



Publicaziuns officialas dils 01-12-2017

Radunonza da vischnaunca

La proxima radunonza da vischnaunca ha liug **venderdis, ils 15 da december 2017** allas 20.00 uras a Surrein.

Gliesta da tractandas

1. Avertura e beinvegni
2. Elecziun da 2 dumbravuschs
3. Approbaziun dil protocol dalla davosa radunonza communal dils 20-06-2017
4. Tractaziun ed approbaziun dil preventiv communal 2018
5. Fixaziun dils peis da taglia 2018
6. Tractaziun ed approbaziun dalla varianta sid per il project per ina nova via cantunala denter Rabius e Surrein sur Marias
7. Revisiun totala dil reglament da sepultura e santeri (DC 740.000)
8. Revisiun totala dil reglament pil provediment d'aua (DC 700.000)
9. Revisiun parziala dalla lescha davart igl allontanament e la purificaziun dallas auas (DC 710.000)
10. Orientaziuns
11. Varia

Il preventiv 2018 sa vegnir retratgs sin canzlia duront las uras da spurtegl. Dils documents tier las tractandas 6 - 9 sco era dil protocol dalla radunonza communal dils 20-06-2017 sa vegnir priu investa sin canzlia communal duront las uras da spurtegl. Avon radunonza ei il protocol ultra da quei exponius en la stanza da radunonza per investa.

Sumvitg, 01-12-2017

Suprastonza communal

Clom da quens

Il quen communal vegn serraus cun ils 31 da december 2017. Per saver risguardar las expensas fatgas uonn el quen current ein tut quels che han aunc dabiens viers la vischnaunca supplicai da dar quen sil pli tard entochen ils 15 da december 2017. Nus supplichein tuttas fatschentas sco era ils officials da vischnaunca d'observar quei termin.

Sumvitg, 01-12-2017

Suprastonza communal

Pignola da Nadal

L'administraziun forestala recomonda da retrer il pigniel da Nadal al singul vischin sco suonda: En ils vischinadis nua ch'ils pigneuls vegnan pinai entras l'uniun da giuventetgna supplichein da retrer leu il pigniel da Nadal.

Al vischin che vul pinar sez il pigniel (lubiu ei da pinar mo pégn) eis ei lubiu da pinar tal sin territori communal. Ei vegn denton recumandau da pinar sin terren da pastiras surcarschidas. Scumandau eis ei da pinar en plantaziuns, uauls da schurmetg e curtins da schurmetg encunter selvaschinas (Uaul da Puzzastg, Cresta, S. Benedetg, etc.) En ils uauls privats eis ei scumandau da pinar pignola da Nadal senza ina lubientscha dil possessur d'ual.

Nus recumandain era da pinar mo in pigniel e quel prender a casa e buca schar scher entuorn e forsa pinar dus auters.

Tgi che vul schar pinar il pigniel ils luvriers da vischnaunca ei supplicaus da s'annunziar entochen ils **15-12-2017** tier la **canzlia communal (tel. 081 920 25 00)**. Tals pigneuls vegnan taxai sco suonda:

- grondezia sut 2 m frs. 25.--
- grondezia 2 - 3 m frs. 30.--
- grondezia sur 3 m frs. 35.--

Per il schurmetg d'igl uaul recumandain a scadin da pinar il pigniel da Nadal cun precauziun e senn da responsabladad. Cunterfatgs vegnan punidas tenor il regulativ forestal.

Sumvitg, 01-12-2017

Uffeci forestal Sumvitg

Corporaziun d'aua e glisch Rabiis

Radunonza extraordinaria, venderdis, igl 1. da december 2017 allas 20.00

el hotel «Greina»

Tractandas

1. beinvegni
2. perstgisas, gliesta da tractandas
3. elecziun dumbravuschs
4. protocol radunonza generala 2017
5. rendaquen a) rapport cassier
- b) rapport revisur/revisura
- c) approbaziun e scarica
6. rapport dil president
7. sligiar si la corporaziun d'aua e glisch Rabiis e surdar igl aquaduct e la illuminaziun alla vischnaunca
8. conto aquaduct, conto aquaphon
9. conto illuminaziun
10. varia

La suprastonza

Sontgaclau a Cumpadials e Laus

Sonda, ils 2 da december, viseta il Sontgaclau e sia fumeiglia ils habitonts e las habitontas da Cumpadials e Laus. Sin seveser!

Finiastras d'advent a Rabius

1. Vogel Cornelia, Via Caduff
2. Fry Anna Maria, Via Caduff
3. Bearth Sandra, La Gassa
4. Schmied Sabina, Via Fravia
5. Schnoz Manuela, Via Fravia
6. Bearthlenn, Via Sursilvana
7. Theolinda Wolf, Via Sursilvana
8. Saner Fabienne, Via Surrein
9. Sgier Marietta, Via Surrein
10. Bearth Georgette, Via Surrein
11. Berther Adelina, Via Curtins
12. Cajacob Jasmine, Via sut Vitg
13. Kock Christina, Via dalla Staziun
14. Deplazes Iris, Via Surrein
15. Bearth Jacqueline, Via Surrein
16. Gadola Sara, Via dalla Staziun
17. Schärer Käthy, Via Cavivens
18. Maissen Pierina, Via Cavivens
19. Bearth Stefania, Via Cavivens
20. Venzin Irena, Gassetta
21. Berther Rita, Via Tschuppina
22. Lutz Gabriela, Via Sursilvana
23. Monn Denise e Deplazes Angela, Santeri
24. Scrinaria Daniel Maissen, Via Luven

Ils **29 da december** s'entaupa tut tgi che ha plascher da far ina spassegiada comunabla tier tut las finiastras d'advent si Caduff allas 18.00. Silsuenter purschin nus in pign puschegn da buna cumpignia el baghetg dalla firma Bearthlenn a Rabius.

Uniun samaritana Sumvitg-Trun

Nies davos exercezi da quest onn ha liug **mardis, ils 5 da december** allas 20.00 a Sumvitg. Nus envidein vus da prender part stediamein. Nossa scolasta Martina prepara in exercezi in tec special, e silsuenter sesein aunc in mumenet ensemen e tgirein nossa cuminonza. Nus selegrein sin vus. *La suprastonza*

Meisa da miezdi (gentar comunabel) dalla Pro Senectute a Cumpadials

Pro Senectute Surselva organisescha ensemen cun Nadja Scolieri ell'«Ustria dalla Staziun» a Cumpadials ina meisa da miezdi (gentar comunabel) inagada per meins, mintgamai il venderdis. Intent dalla meisa da miezdi duei esser da promover la cuminonza ella vischnaunca da Sumvitg e contuorn denter las personas ella vegliadetgna dalla pensiun. Plinavon dat ei la pusseivladad d'embellir quella occasiun cun star il suentermiezdi da cumpignia e dar in scart troccas ni auters giugs.

Liug: «Ustria dalla Staziun», 7176 Cumpadials

Datum: **venderdis, ils 8 da december 2017** allas 12.00

Prezi: 18 francs per persona cumpriu gentar cun dessert e caffè.

Annunzias: Ein da far entochen gievgia sera tier «Ustria dalla Staziun», Cumpadials, tel. 081 943 19 22.